

خزینہٴ اوراق

نمبر
۲۱

جمعہ ایرتسی
۱ مابس سنہ ۱۲۹۷
تاریخ تا-پس

عمومی اعتباریہ فنونہ دائر رسالہٴ ادبیہ در

آیدہ درت کرہ اولہ رقی جمعہ ایرتسی کونلری چیقار

نوع اغ و طوزاقلرله شکار اولنور بو قوشلردن چین دیارنده
کورینانلرک هیئت ورنکلری تمامیلہ بزمکیلرہ بکرلر بعض محللرده
بوکا انجیر قوشی دیرلرکه انجیر یمنندن نشأت ایتمش اولدینی
عقلمدر بوتک اتی بنگ ایچون غایت ایو اولور .

(احمد جدی)

« حسب حاله » نظیره اوله رق خزینہ اوراقک
بوندن اولکی نسخده سنده مندرج بولنان منظومه نک
صاحبده سی عبدالحق مهرانسا خانم افندینک مقاله
شاعرانه لیدر .

کوچک بر اصلک بیوک بر فرعی

بیلیم هرکس نصدر؟ بن دنیاده خصوصیلہ تأثرات فکریه
ایچنده اولدینم زمانلر تنها محللی سورم . یکن اخشام کوکلم
حیات مؤلمه ایله مشحون ایدی . یکه بر ساعت قالدق
دکز کنارینده کیدم هیچ اشتیام یوق ایدی مرتفعه بر
محلده طاش یغینیلری اوزرینده اوطوردیم طاغیر - اره لینی مظلم
و یاغورلی - بلوطلر ستر ایتمش غریب بر هیئت و مهابتده ایدی .
هوا قرانلق - هر طرف ایصسر بر حالده ایدی . قوجه قصبه
ایچنده هیچ بر علامت حیات کوریله میوردی ، سیاه برکوندوز
ایدی . اولرده نه بر قندیلدن اثر کورینور  هوقاقده نه بر
کوچک سسی ایشیدیلر ایدی .

کیجه ، ظلام جهالت کی شرق طرفلرینده مستولی اولمغه
باشلادی . کونشک غربه توجهنده کی شتابه باقلسه برکونلک

عمر بشری عمان عدمه آتشفه کیدپور قیاس اولنوردی، برسرعت
فوق العاده ایله افقک حراسنه کلنجه مجده سنی اغیار النده
کوروب سکوت ایله اظهار انفعال ایدن محب صادق کبی
صاراروب قیراره رق کوزدن نهان اولدی . موجوداته
(مرآت کائناته) بر حیرت عارض اولدی . طبیعتک او پارلاق
سماسنی رنک ملال برودی صانکه سودیکنی کوجندر دیکنه
ندامت ایدیوردی. انعکاس ضیا ایله اوروح پرور بلوطلر جنت
باغچه لرندن نشان ویرکن مزار ایچنه - راحت دوشه کنده دوندی؛
سمانک هر جهتی قاره قاره بلوطلر قاپلادی .

یالکز کونشک اغتراب ایتدیکی نقطه دن ضیاسی یوقاری
طوغری دهشت انکیز قیرمزی رنکه بر خط مستقیم شکلنده
عکس ایدیور ایدی، صانکه بر شهیدک قانی بو عالم سفیلدن
بر عالم علوی به روان اولیوردی؛ ویا قائلر - علولر ایچنده
بر وجود آغوشنه دوشدیکنی او مجسم ظلمتدن امداد امید ایدیور
ایدی .

مع مافیله بر ایکی دقیقه صکره، انسانک حالت نزعنده کور-
یلان غریب غریب تبسملری کبی بردن بره محو اولدی برینی
موت قدر قورقنچ - مزار ایچی کبی دهشتلی (اورنک هائل
استیلا ایلدی) بر قرالتی چوکدی .

صمت و سکوت اورتلغی او درجدهده استیغاب ایتدی، که
دکله یوب دکله یوبده هیچ برسی ایشیده منجه، زهمنده کویاکه
هوای نسیمی انجماد ایتشده اهتراز ایده میور یوللو بر طاقم
خاطره لر تبادر ایدر ایدی .

حقیقتہ ہوا بر مایوسک چہرہ سی وجہہ ساکن بر فاسقک وجدانی
 کبیہ سیم سیاہ ایدی. دکز وولقانلردن فوران ایچشدہ طونمش
 مواد ناریہ کبی غیر متحرک بر حالده وباروت رنکنده ایدی.
 نہ اوتلرک یکدیگریہ سورونمندن حاصل نازک خشیر دیسی
 نہ بوموقعه مخصوص طیور ووحوشک و حشت انکیز صدا -
 لری ایشیدیلیر، نده کؤک یوزینی تزیین ایدن ییادیزلردن بر ضیا
 مشاهدہ اولنور ایدی. کوزلری نہ طرفہ چورسدم قرانلق
 شکلر عقلہ فکرہ کز دہشتلی خیالر کورینوردی. غالباً
 قورقو انسانک نظرندہ تجسم ایدیورده غول ییایلر شیطانلر کبی
 کورلماش، ایشیدلماش صورتده قرانلقک ایچندہ طولاشیور
 انسان قاپچسہ آرقدسندن بری طوقہ جق، طورسہ
 ایاقلرینک آلتندہ اجسام جانلانہ جق ظن ایدر صاقلاندینی یرده
 بر طاقم خائنانہ فکرلر حس ایدر اغلامق استر؛ قورقوسندن
 جسارت ایدہ مز - قاپچق استر ایاقلرندہ لالہ باغلانمش کبی
 بر حال وار، غریب بر حال! وہم قرانلقده عقلہ غلبہ ایدیور
 اک عاقل وجسور بر آدم کیچہ یاریسی بویلہ بر موقعده قانچہ
 وجودندہ رعشہ حس ایدر بن ایسہ نہ حالده بو -
 لندیغمی تعریف قابل دکلدر ظلمتک هر طرفدن تضیقنی حس
 ایدیور ایدم اوه عودت محال اندر محال اولدی طاش
 کسلمش کبی اولدیغم محلدہ قالدیم. نوره انتظار ایدیوردم دفیقلر
 عصرلر کبی امتداد ایدر ایدی. هیچ بر شی کورنمز! هیچ
 بر شی یوق!....

سانکدموت تجسم ایتش : معدومیت وجود بولمش ایدی...
 قلمبدہ اوقدر دہشت - اودرجدہ رقت وار ایدی، کدھر کسی

اولش کندیمی ایسه دیرلش بر اولو قیاس ایدرک کندی
 کندیدن ده قورقغه باشلادم ذهمنده غریب غریب فکرلر پیدا
 اولدی . چوجوق کی اغلامغه باشلادم . بو صروده ایسه
 طاعنلرک بولندیغی جهته برعلو کوردی، کوزلریمی کمال منو-
 نیتله اوطرفه چویردم . هیهات !

مکر او بر وحشی نك کلبه سنی بولمق ایچون اشغال ایتدیکی
 بر مشعله ایش که ماضینک بایانسنر عنایله استقبالت نهایتسنر
 ساحه سی لره سنده بر آنده ظاهر وزائل اولان عمر انسانی کی
 درحال سوندی غائب اولدی کافه موجسوداته او وحشی ده
 امثال ایتدی، او بودی . یته بدن بشقه بر آچیق کوز . بر
 حرکت ایدر قلب قالمادی . منونیم شمشک ضیاسی کی لمعه بصرده
 عمو اولدی .

بر خیال کی ظلام ایچنده قالدیم . چوق سورمدی که بو
 علوی قبه ظلمتک بر کوشه بعید اندر بعیدنده کوچوک برستاره
 کوروندی . کرم اختر حالنده نهان و پیدا ایدی . فقط کوردم
 که هر دفعه ظهور واغتیابنده کسب جسامت ایدیور . بر
 اراق بدر حالنده کلدی . شعاعی بر خط مستطیل کی طوغریدن
 طوغری به بکا منعطف « بو فصل ماهتابدر . برده نه کورهیم
 جسامتی تزايد ایتمکله برابر بر کوکب ذوزنب شکلی آتش .
 بو نه خارقه سماویدر . کیتدیکجه بیومکده بورایدمی تقرب
 ایتمکده . بنم ده کیتدیکجه حیرتم آرتدی . چوق یکمیبوب بر
 فجر شمالی بیوکللی کسب ایدر . باقدم که حقیقه یاقلاشیور .
 حیرتم فصل خشیده تحول ایتمز . دهها بودی ... دهها

بیودی .. کوردم که سماءه مطمح نظر مک قسم اعظمی احاطه
 ایلدی .. باشلادم دیتره مکه .. دیدم بو بر قویروقلی ییلدیزدرکه
 کره ارض ایله مصادمه ایده جک .. فصل دیتره مدیم که اوزریمه
 بر جهان سقوط ایدیور .. نرهید قایجهیم عالمک هر طرفی
 محاطرده .. دهاییودی .. دهاییودی .. منظره بر حاله
 کلدی که تعریف ایدهیم او محیط ظلمات بر جهان آتش اولدی.
 غالباً کیتدیکه تقرب ایدیوردی که کیتدیکه حرارتم ایدیوردی.
 هلاک مقرر کنیدی غائب ایده جکم طبیعی .. ساحلدن دکره
 آتیشم که او آنده صوغوغلق دکل فقط وجودمده بر سرینلک
 حس ایندم دکزک قعرینه طوغری اینمکه ایده مکه بر ید
 معنوی قولدن طوتوب دیشاریه آلدی ... باقدم که او طدمک
 ایچندهیم والدهمده حالا قولدن طوتیور ... مکر کوردیکم رؤیا
 ایمش! خاطرمه کلدی که کوندوز بر آدرمک بر ینار سیغاره سی
 اوستنده اللریفی آجش طورر بر قز رسمی کورمشیدم .

«عبدالحق مهر النساء»

خاتم